

地230.11
741.128
部三22

卷五十

孝友傳一

卷五十一

孝友傳二

卷五十二

義行傳一



續修廬州府志

續修廬州府志卷五十

花翎道銜江南安徽廬州府知府清泉黃 雲總修

孝友傳一

克孝於家則友於庭門內行修非以求名以視義行外著聲稱別為一科倫序儀型

漢

毛義廬江人字少節家貧以孝行稱南陽張奉慕其名往候之坐定而府檄適至以義守令義奉檄而入喜動顏色奉志尚士也心賤之自恨來固辭而去及義母死去官行復數辟公府為縣令進退必以禮後舉賢良公車徵遂不至張奉歎曰賢者固不可測往日之喜乃為

續修廬州府志

卷五十

孝友傳一

親屈也建初中章帝下詔褒寵賜穀千斛常以八月長

吏問起居加賜羊酒壽終於家

後漢書劉趙滄于江劉周傳序

郭巨無為人生一子三歲凶年母減食與之令妻埋之遂穴地得金上有字云天賜孝子郭巨官不得奪民不得取本州郭巨山蓋以此得名

明隆慶志

齊

王虛之字文靜廬江石陽人十三喪母二十三喪父二十五年鹽酢不入口疾病著牀忽有一人來問病謂之曰君病尋差俄而不見病果差庭中楊梅樹隆冬三實又每夜所居有光如燭臺上橘樹一冬再實時人咸以為孝感所致齊永明中詔榜門闕其三世

南史孝義傳

唐

葛新唐書敬儒廬州人三世同居喪親廬墓刺血寫浮

屠書斷手二指輒復生州改所居曰成孝鄉廣孝聚大

中時表其家唐書孝友傳

徐行周舒城人數世同居天子旌表門閭賜粟帛州縣

存問復賦稅唐書孝友傳

張進昭巢縣人事親孝母患狐刺左手墜而終及殯進

昭截左手腕廬於墓天子旌表門閭賜粟帛州縣存問

復賦稅唐書孝友傳

唐海巢縣人母喪廬墓手自耕植以備祠祭忽田中產

嘉禾一本六穗一本五穗廬州刺史裴靖上其事於守

續修廬州府志 卷五十一 孝友傳一 二

土者符載載令錄事參軍朱甯丁甯考驗事狀明白遂

作嘉禾表以聞表略云臣載言得廬州刺史裴靖狀稱

巢縣百姓唐海母喪廬墓手自耕植以備祠祭無何於

粟田之中輒產嘉禾一本六穗一本五穗卽時差錄事

參軍朱甯考驗事狀明白臣聞感天地者存乎誠通神

明者極於孝蘊而為精粹發而為禎祥上穹與之獻酬

后土為之泄露故使騰芳高隴擢穎清秋冠九穀之英

英增大田之藹藹此皆由陛下聖德茂鴻化洽名教立

風俗厚生人之内有淳孝靈瑞之下有嘉禾邁風烈於

前王煥丹青於唐紀不然何幽贊冥答其若是乎臣猥

以鈍劣祇守風土宣陛下之恩澤撫陛下之庶眚觀茲

盛美光榮耳日不勝懼怵踴躍之至明隆慶志舊志雜文

宋

王光濟廬州人喪母因刻像日夕奉事如平生孝道純

篤咸平二年本州以孝聞詔旌之宋史孝義傳

趙廣廬州人八世同居淳化二年賜詔旌表門閭宋史孝義傳

序傳

何宗壽梁縣人淳熙十一年母沈氏病飲藥不痊宗壽

割左股煮粥進之母遂愈康熙志

李吳貞合肥人淳熙十一年冬母孫氏產後患病吳貞

年九歲割右股肉煮麩羹以進食已霍然康熙志

方孝子無為人佚其名母目雙盲每旦以舌舐之復明

續修廬州府志 卷五十一 孝友傳一 三

後以壽終葬城北康熙志

余元璨舒城春秋邨人淳熙十一年六月母朱氏患寒

疾篤璨割左股以進得痊康熙志

汪安淵舒城西鄉人淳熙十二年春母陳氏病篤安淵

割右股救之而愈康熙志

檀念二舒城上陽鎮人淳熙十二年二月母章氏病幾

絕念二鑿左脛骨寸餘取髓食母遂愈以上三人事聞

於朝詔付史館仍令有司依例優給碑刻尙存康熙志

元

羊仁廬江人至元初阿朮兵南下仁家爲所掠父被殺

母及兄弟皆散去仁年七歲賣爲汴人李子安家奴力

作二十餘年子安憐而縱之仁蹤跡得母於潁州蒙古軍塔海家兄於睢州蒙古軍岳細家弟於邯鄲連大家皆為役尚無恙乃徧懇親故貸得鈔百錠歷詣諸家求贖之經營百計更六年乃得遂大小二十餘口復聚居孝友甚篤鄉里美之大德十二年旌其家元史孝友傳季明隆慶志作李原禮無為人親喪廬墓三年不食鹽醬孫立天性至孝居父母喪亦如之人謂一門純孝通志明

朱震廬州人成化間廬郡火災連焚數百餘家至震所居火忽飛越而過乃復延焚而震屋巋然獨存震素孝義人以為至行所感知府米鏞深為獎慰士大夫賀之

續修廬州府志

卷五十

孝友傳一

四

有孝友格天天監德當年飛火過鄰家之句

江南通志

高興合肥人自幼事親至孝父歿哀毀踰禮廬墓三年寢苦枕由烏巢墳林聞哭悲鳴以助其哀服闋親鄰勸歸有白鵲數百大如鶴鶴隨後翔空而集於宅盤旋良久方去時人歎其孝感有司上其事詔旌之

明隆慶志

張俊合肥人父禮歿哀毀幾絕後母戴氏病俊禱於神願以身代母歿以禮合葬結廬墓側孝行卓異天順七年詔旌之

明隆慶志

沈諱合肥人母喪諱哀毀踰禮廬墓三年因築牆忽泉涌出足供墓側飲灌又有鵲巢於樹諱每哭奠鵲哀鳴旋繞其前成化間詔旌之

明隆慶志

朱世藩合肥人幼孤奉母盡孝母故藩齧棺呼號口眼血出遂喪明已旌

江南通志

衛郡合肥人母病篤思飲泉水是年旱郡叩天掘井泉水湧出母飲之而愈鄉人稱爲衛孝泉奉旨旌

江南通志

張梅合肥人母疾篤嘗糞嘗痰復病疽吮出膿血得愈父歿廬墓得旌

江南通志

沈秉直字尊生合肥人方十二齡一夕比鄰望其家有

彩雲巨星之異里中驚詫已而知秉直是夜割股療母

疾也已旌

康熙志

鄭元合肥人五世同居宏治時旌

江南通志

蔡性大合肥人郡廩生鄉賢悉之季子性至孝居親喪

續修廬州府志

卷五十

孝及傳一

五

廬墓三年四舉優行不仕

采訪事實

鄭杲字義民合肥人少穎敏有志節補邑庠弟子員與從兄梁相砥礪經史子集靡不通曉偕諸生較藝率置

優列一日觀書有悟遂厭舉業作詩紀之云人生如朝露光景不可留胡爲名利間趨逐恣所求本分有真樂

乃復事遠謀涉海浩無涯甘作濡首遊及時不鞭策歲月爲我儻嘗出遊訪豐城楊先生廉聞鑿閭賀公欽有

古人風將往卒業焉頃之丁外艱廬於墓所哀毀骨立染屏疾不起作絕命詞有云不孝罪通天一病幾五月

調攝弗自違遂爾成永訣老母孤且哀誰爲侍巾櫛云云遂卒卒年二十九歲在正德甲戌教諭新淦於鳳題

其墓碣曰篤孝其兄梁亦敏悟能文事大父母爲順孫
一時稱二鄭明隆慶志

李得春合肥人年十三父病嘗糞割股母病亦如之父
母歿俱廬墓三年冬月有野草生花之異江南通志

朱辰合肥人萬厯間諸生與妻李氏奉母盡孝母病篤
衣不解帶者三月妻素羸遂成痼疾與姑相繼卒時辰

年未四旬誓不再娶歲大旱守令造廬問所以致旱之
故備陳廬民愚惑有喪五六十不葬者早魃爲災厥

有明驗守令採其言申久淹之禁不旬月而歸葬者四
千七百餘家雨澤尋沛縣爲詳府云廬陽有節婦無義

續修廬州府志

卷五十

孝友傳一

六

夫幾爲缺典宜表揚以勵人心在給冠帶康熙志

阮白強合肥人廩生少穎異好讀書性純孝母劉氏病

禱於北斗割左股以進病隨愈踰年祖母鮑氏又病自
強復割右股以進知縣熊文舉以純孝格天表其門而

旌之康熙志又有阮竹園者性純樸事父母克供子職

能曲得其歡心尤以善事繼母著聞江南通志

葛一本字肖華合肥人庠生家傳孝友三世同居年十
三母李氏病割股二次兄亡撫其子及孫與已子無異

壬午寇至守南關以身殉難康熙志

王明正合肥人性孝友不苟言行年十五割股愈母病
邑令旌曰童心篤孝伯兄六十無嗣力爲置妾後子景

綱景維孫楫霖俱以孝友聞縣志

王玠合肥人流寇陷城玠負母逃避遇賊身被重創事聞給以庠序衣頂同時庠生王九鼎亦以孝聞

縣志

胡拱辰字紫微聰甫之子舒城人洪武間由孝廉爲歙縣丞建春暉堂以奉母劉文成宋文憲皆有詩以記擢丹陽令乞歸侍養得年九十餘

康熙志

錢敏字志學舒城人幼喪父家貧力學事母至孝及辛丑登第乞還鄉侍養母患瘡侍湯藥未嘗離側母喪廬

墓詔旌之仕至黃州知府

明隆慶志

王紹字繼學舒城人由丙戌進士任監察御史母喪躡

踊頓絕廬墓三年詔旌之

江南通志

宋驥舒城人官修武令解組歸凡事皆稟母命母卒見

續修廬州府志

卷五十

孝友傳一

七

所遺拄杖猶依依如母在也廬墓二年有雙雀悲鳴鄰犬來爲守護人盡異之

康熙志

胡紀字大年舒城人永樂甲午舉人官山東參議居父母喪皆廬墓前後六年虎至不懼羣鹿馴擾真純孝所

感也

康熙志

陳暹舒城人蚤喪父奉母至孝母疾危顛天願以身代果愈後母喪哀毀屢絕臨葬火延燒房屋暹伏柩哀號得風止火息既葬廬於墓側值天降霰雹草木俱傷近墓獨無墓傍柳高僅五六尺有烏鵲巢於上一日風吹巢墮暹復舉而置諸舊處鵲亦不驚卒哺雛成人以爲孝感所致有司上其事太守史公濡詣墓覈實獎勞

明隆

慶志

孫剪兒舒城人早喪父事母孝家甚貧樵採供甘旨無
缺乏母寢疾籲天求代正統中母卒露宿墓側鄰翁憐
之爲結廬墓傍有椿高數尺鵲巢其上哭則悲鳴相應
復有兩虎每日晡至墓側旋繞哮吼達旦而去刻木肖
母像事之終身

明隆慶志

張四象舒城人祖母病刲股療之沈疴立起

縣志

朱印舒城人父早喪奉母彭氏盡孝母卒廬墓時年十
七未娶親戚恐其成疾勸歸不從或有饋遺卻不受後
入邑庠萬曆六年卒貧無以殮教諭劉大烈捐俸助之

康熙志

續修廬州府志

卷五十

孝友傳一

八

郭嘉瑞舒城人庠生母病劇嘗糞露禱居喪循禮三年
未嘗茹葷創祖祠修宗譜贖喪賑貧資婚助讀人咸稱
之

康熙志

胡仕祥舒城人父福早喪母史氏年十九撫之以至成
立仕祥奉母最孝孫澤亦以孝友稱施及三黨與物無
競晝所爲夜必焚香告天澤孫守恆以忠節著

康熙志

趙密舒城人庠生父國讓早卒母錢氏病篤刲股以愈
之居喪盡禮撫二歲弟友愛迄於成立

康熙志

王介舒城人國子生父歿廬墓母年八十寢疾介割胷
肉作羹進之秘不使知及卒廬墓若葬父時

康熙志

任成勳舒城人以善事父母稱

康熙志

祝汝節舒城人庠生博洽工文詞崇禎壬午賊陷城被執逃歸見母死灰燼中伏屍而泣題絕命詞於壁自縊於母側舒人無不痛悼康熙志又有蔡小懷者壬午寇攻

城與兄少懷守南關賊穴地入少懷被殺小懷冒白刃

與賊爭得負兄尸以歸同時郭維官者父為賊執維官

號泣求代賊怒並殺之又有許名材者寇至負母抱子

以逃賊追之母曰可舍我無絕宗祀名材泣曰子可復

生母不可復得也遂棄其子母得免康熙志

高登奇舒城人父歿事母朝夕不離壬午賊兵臨城母

命逃避奇兄弟依依不忍去及城陷負母率弟墜城而

下卒遇賊傷幾死負母不釋泣請曰可殺我勿傷吾母

續修廬州府志 卷五十

孝友傳一

賊憐其孝縱之去縣志

王明俊舒城人明季寇變與妻鍾氏商曰子與姪不能

兩全奈何鍾曰君勉為伯道可也遂棄其子夫婦負姪

而逃通志

徐行達字桂甫舒城人年十八遭寇變父永脈被賊囚

繫至潛山行達泣隨賊後夜負逃歸及父歿善事孀母

弟行遠字近甫年二十值寇變負幼弟值而逃遇賊欲

殺之泣願以身代賊感其義俱釋之叔永顯流落荆襄

父永脈日夜悲思行遠慮傷父志身歷險阻三載得與

俱歸縣志

張政廬江人父疾謹奉湯藥及卒哀毀踰禮廬墓側者

三年虎不為患正統六年旌康熙志

張澄字世傑廬江人少時習為庖人生理甚微事母江

氏惟謹親調甘旨遇時物恆留以奉母江好飲澄為具

佳醞或自起唱舞務致其歡悅而後已孝養數十年如

一日嘗於蕪湖拾遺銀又嘗糴李姓穀得銀五兩於其

中俱驗實還之母壽至九十嘉靖三年澄年八十餘詔

賜壽官康熙志

孫文翰廬江人萬厯間舉孝行旌門曰孝化淮南縣志

李大經字天叙廬江人邑庠生父病劇割股肉和湯藥

以進居喪廬墓克盡孝道康熙志

周繼成字敬則廬江人庠生十四歲割股救母母歿廬

續修廬州府志 卷五十一 孝友傳一 十

墓邑令謝名其鄉為孝子里石碑尚存康熙志

詹天瑞廬江人母楊氏二十孀居訓子後天瑞貧無以

養訓家給膳及疾割股療之母歿廬墓三年足不踰百

步邑令章於東關外建節孝坊構屋十間令居之主社

學教誨康熙志

張振祚廬江人父宏任攜孥知四川嘉定州崇禎壬午

流賊逼城祚奉父命領數騎突出求救城陷祚還見父

被害觸石死江南通志一作挺身擊賊死康熙志

國朝祀忠義祠縣志

李初廬江人親歿廬墓以毀卒建坊旌表同縣諸生徐

紹益廬墓三年又趙建忠幼孤事母徐氏至孝負販以

養母病嘗糞并剖股療之愈母死難廬墓三年縣志

徐方亨廬江人明末流寇之難侍母疾不去賊執之竝

傷其母號泣觸樹死縣志

盧觀字賓夫號若芳廬江人御史謙長子崇禎乙亥寇

逼廬江城觀先時就醫蕪湖聞御史被害卽哀憤欲以

身殉作絕命書寄弟睿其略云先君殉節不能在側受

永訣之一言天雖假年亦何心立世吾今已矣所有田

宅盡付賢弟掌管我子施先成立予以一半其餘盡屬

汝子士行可也承雲館先君殉節地瘞先君在上我侍

在旁吾願足矣遂嘔血而亡祀忠義祠縣志

吳敬無爲人母疾剖肝煎湯母愈而敬不傷事聞太祖

續修廬州府志 卷五十 孝友傳一 七

褒以贊禮郎江南通志

丁華一無爲人兄弟五人不忍析居相與誓天折梅五

枝共接一本各識之祝曰如一枝枯卽某有異心後五

枝俱秀實鄉里驚歎號五果丁氏江南通志

季廷春無爲人居母喪廬墓三年茹蔬啜粥不食鹽醬

廷春曾祖原禮祖立皆結廬親墓一門純孝殆家法云

康熙志

吳孝子無爲人逸其名家貧常執役富室身無完衣母

饒甘旨富人有感其孝者常資給之後母歿未葬鄰家

失火將及其廬力不能救惟伏棺以號火燄他徙左右

無一免者惟孝廬獨存江南通志

章華國無爲人少孤授徒養母母病篤刺臂血飲之而愈後母病異瘡禱於神齋宿夢神人指京紅紙熏之果愈母歿三年不茹葷酒每臨肉食則涕下竟以羸疾死

江南通志

康三極字鼎兩無爲諸生穎敏重氣節父衢兄之誥俱以無妄被陷三極挺身力白其寃迨父母故痛至嘔血奉母亦孝借其弟讀書於鐵山別業師事者數十輩康熙志

余明史承德無爲人崇禎十五年流賊突至掖其祖母

劉氏母魏氏及妻楊氏妹玉女出避祖母母行遲爲盜

所護欲刃之承德號呼救護竝遇害楊氏見之急投河

續修廬州府志

卷五十

孝友傳一

三

死賊將犯玉女玉女大罵堅不從寸磔而死

明史孝義列傳

國朝乾隆四十一年

賜祀忠義祠

通志

盛宗巢縣人髻齒中母被兵掠後聞人言母在永平宗走數千里尋之中途染疫歸宣德癸丑復籲天而行果得重聚時母年七十矣買車載歸竭力奉養二十餘年母壽九十有六既葬廬墓三年有巢鵲連枝之異明隆慶志張應昌字爾熾無爲人母李氏好施予應昌能養志當崇禎間飢殍載道遇乞者輒周之隆冬積雪掃徑以飼烏雀皆廣母惠也既而寇至負母逃難數遇賊哀求獲免母晚年得腹疾禱於神求以身代日夜侍湯藥目不

交睫躬滌穢器滌汚衣及卒廬墓三年弟應星亦以孝

聞州志

盧應京字斗玉無爲人甫弱冠流賊破州執其父奪其衣索金無有欲殺之應京跪泣悲號曰請殺予毋及吾父賊憫其孝釋其父並還所掠後父歿廬墓三年人稱

盧孝子

州志

沈可器字君瑚無爲人賦性謹厚流賊之亂父爲賊所傷肝隨及出來異人授秘藥調服得愈因精岐黃術以

濟人

州志

關坦字魯韋無爲人孝廉世隆子事父母以孝聞處兄

弟友愛

州志

續修廬州府志

卷五十

孝友傳一

三

向侃字希顏巢縣人由楷書中永樂甲午鄉榜宣德間授靜甯州判職撫民未幾議罷天下撫民官巡撫特奏留之父老德侃皆稱爲慈父正統丙辰授南京監察御史陞雲南潞江府知府侃性孝友旦暮必衣冠問起居寒暑不衰妻趙卒子懋甫六歲母湯孺人念之曰汝再娶當恤懋也侃自是不復娶儼居四十年兄弟五人白首同居侃在嘉興時有李睿者嘗染疫癘氣甚熾侃獨具湯藥扶持之睿德侃後入仕以厚幣謝侃曰患難相恤友道也卻之

明隆慶志

姜潤巢縣人父早亡一夕母病其兄請禱潤密顙天剖左股肉以進母病立愈時無知者潤昏就寢兄責其不

事家人始語之鄰里欲上其事潤曰吾所爲乃子職安用人知康熙志

閻絢字後素巢縣人郡庠生性孝事繼母一如所生晨昏定省至老不缺父母兄弟無間言知縣郎應麟爲之

請旌康熙志

單政字立卿巢縣人祖父皆以戴記世其家父亡兩弟一妹俱幼政上事母下撫弟長嚴教之皆入泮同居三

世無間言子世德崇禎癸未進士康熙志

丁遵道巢縣廩生壬午流寇至父被執將殺遵道號呼震地解衣求以身代賊憫其孝父子俱免時有儒童王

伯和亦將被殺呼先生救我賊詢先生爲誰曰卽適所

續修廬州府志 卷五十 孝友傳一 十四

蒙放丁先生也賊亦釋之江南通志

國朝

張維德合肥人崇禎乙亥流寇入境其父被執將見殺

維德甫十齡延頸就刃乞代賊感而釋之順治丙申父

歿維德哀毀骨立既葬廬墓謂其兄維譽曰兄事生母

弟事亡父一死一生何嘗異處時號二難江南通志

張文達字必之合肥人崇禎壬午夏詣北莊收麥聞寇

至奔還於積屍中覓得其父尙未死負行七十里抵莊

得全孝養備至生平樂善好施姻族多待以舉火者年

七十八始生子翻考授同知孫先岸乾隆丙辰順天經

魁任浙江安吉州知州有治績文達年至百有三歲郡

縣詳請建昇平人瑞之坊縣志

音清字疏越合肥人郡庠生居家孝友與仲季析產不計所值嘗曰廬城百萬家多付之荒烟蔓草我弟兄尙存此一椽數畝何必多求設教淝濠間一時從遊者眾著作甚富有鴻雪集行世縣志

劉維垣合肥人母夏氏病篤禱神願以身代夢神人示之曰汝誠可格天當益汝母壽病果痊子煜焯俱列膠庠季子燮之子顯謨庚辰進士宏訓履謙亦皆諸生人咸以為孝行之報云縣志

錢如容合肥人歲貢生性至孝父病衣不解帶藥必親嘗父歿事母愈篤二十餘年甘旨無缺其割產贍弟尤

續修廬州府志 卷五十 孝友傳一 五

稱友愛焉縣志

劉燮字公理合肥人幼失怙事母至孝尤篤於友愛與兄析產輒以其腴者讓之兄歿姪復早亡撫姪孫如已

出縣志

汪瑞洪合肥人傭工養親見親所嗜之物必力致之終身未嘗拂志宰邑者屢有旌言縣志

沈守珮合肥人貿易養親母歿斷葷酒廬墓至服滿邑人迎之歸康熙志

周愛池合肥人性孝友兄弟析居有年弟貧鬻其產愛池買之越數年謂弟曰吾存此將從容以與姪豈利弟產耶悉歸之康熙志

程汝璞合肥人順治丁亥進士歸侍父每有言必跪受
歷知咸甯上饒二縣擢戶曹父歿後奉母撫弟年六十
餘以浙省提學罷歸喪母號慟嘔血尋以病終子本節
康熙丁丑進士河南虞城令行取禮部主客司主事康熙
志

蘇逢仁合肥人弟逢智早亡遺腹子一五齡女一弟婦
亦亡逢仁撫兩幼孤無異已出及長爲悉心以營婚嫁
伯無子遺產千金盡歸仲弟逢義不取分毫葬族之貧
者七喪康熙
志

趙廷璋合肥諸生事母以孝稱妻陳氏能體其意夫歿
無改康熙
志

續修廬州府志

卷五十

孝友傳一

六

方華字仰含合肥人父妾生一子先經析產父歿後復
以祖遺讓之少結婚魯氏其女瞽父母難之華曰兒不
娶女將誰適卒娶之江南
通志

張大履字死咎合肥諸生父母歿事兄大臨益謹兄臥
病邨居偶思肉食大履走數十里求肉不得及回兄已
殞遂終身不食肉妻早亡念其荼苦獨居四十餘年江南
通志

王鳳吾合肥農夫也事寡母食必親進夏日先安坐母
於涼處而後于田天寒令妻抱母足而眠歲以爲常江南
通志

李萬化字素公合肥人廬州衛指揮僉事長庚子性至

孝弱冠補郡庠生旋食餼有詩文名廣聲氣重然諾數
展轉出入於兵火饑饉中人以是賢之壬午夏寇陷郡
城長庚甫縮衛篆以失守望吏議萬化營救請以身代
賴大赦獲免後以子天馥貴贈兵部尚書

康熙志

董史字計先合肥人嗜學工文父病刲股以進頓愈寇
氛後於南郊外立義塚拵幣埋齒無算子兆祉甲午歲
貢德器靜深

縣志

程汝瑾合肥人太學生天性純孝母年九十失明日侍
左右寢食扶持夙夜不懈妻余氏亦曲體孝養姑病刲
股和藥遂愈瑾尤好施與貧不能殯葬者竭力周之歲
饑曾捐米二百石助賑

縣志

續修廬州府志

卷五十

孝友傳一

十七

蘇日華合肥人壬午寇變年十五遭掠母李氏被創幾
斃華乘夜逸出負母遠鄉日夕調養曲承親志復得延
年順治甲午母病篤刲股和藥母尋愈邑令旌之又
有巫萬璵者早歲失恃事繼母陳氏三十餘年曲盡子職
母病璵百計醫禱刲股作羹飲之遂愈

縣志

李集合肥人年十三繼母病刲股療之析產時長兒食
指繁多益以已產

通志

周起姜合肥人幼年失怙廬墓致哀三年順母志分產
與二妹

縣志

高德滋字伯務合肥人髫年失怙事嫡母孝與幼弟德
洽和順弱冠補邑諸生留心經濟守令諮訪每有贊畫

三子重琛重瑛重琮俱有聲庠序重瑛字又光康熙壬寅恩貢生素行端正母歿三年廬墓不履內室選授旌德教諭課士以根柢之學著有尙書遵注經史集說縣志

王允纂字珥彤合肥人黃州推官繇長子性篤孝嗜古力學十歲失恃居喪盡禮善事繼母友愛諸弟居鄉黨尤敦嫻睦康熙己未歲旱出廩粟賑飢全活甚眾里中稱盛德焉子育雍俱遊庠序克承家學縣志

劉顯謨字御書合肥人康熙庚辰科武進士以親老侍養累辟不就承歡膝下克盡孝養家居山莊遇歲儉周貧卹乏族黨稱之縣志

朱品字賢林合肥人先世自婺源來遷合肥天性樸茂續修廬州府志

卷五十

孝友傳一

六

至孝母病刲股和藥以進居喪哀毀骨立見者悽惻春秋祭奠涕泗橫流有祖祠在郡西門爲族人出質品以貲贖還修葺復舊縣志

周尙文合肥人事母章氏至孝母嘗病篤尙文刲股療之疾竟瘥其性慈好善遇窮乏者輒周給不倦縣志

蔡殊英字洛賢合肥人增生七歲失怙事孀母能盡子職有寒疾惟恐貽母憂守身如執玉初葬父於城北旣筮期疾作瀕危家人代營葬事前一日忽泣而寤曰及葬期乎家人諱之英曰此何事忍遺親耶雖死必往載於牀以行卒下窆封土而返嘗手錄祭禮擇要歲時享祀奉而行之處伯叔兄弟輕財重義性嗜學雖抱疾未

嘗廢書

縣志

蔡崇字坤維合肥人少力學能文事節母吳盡孝吳性嚴厲督責不少寬常令長跪中庭不命之起不敢起爲母請旌建坊母意省費欲用木崇慮不耐久固請用石鬻田數畝乃克竣事家屢空常自忍饑以供甘旨母病歿哀毀不自勝嘔血數升後五日卒

采訪

徐凌霄合肥人父次宏病危凌霄每日五更詣城隍廟求以身代父果愈越七日凌霄忽咤云神遣輿馬迎我遂無病而卒妻湛氏年二十一視含殮畢絕食九日死

縣志

周治昌字步豐合肥人廩生少孤事母至孝家貧典衣

續修廬州府志

卷五十

孝友傳一

九

稱貸以供甘旨母或呵止之婉容以受終不爲變母歿歲時上食哭泣盡哀三年中飲食居處悉遵古禮與兄治隆友愛無間善屬文工書法

縣志

程懷榮合肥人天性孝友事繼母朱承顏養志朱病懷榮兩次割股以進同母弟維直已析居家事中落復令合爨待猶子如己子爲異母弟一新延師課讀督責不稍恕一新後入邑庠

縣志

夏遇球字貢西合肥人監生九齡時母遭寒疾劇遇球號泣呼天祈以身代已而母病瘥父克紹性友愛與兄克緒每食必偕時隔河而居遇球晨往請日夕撰杖履送歸率爲常遇嚴冬風雪輒備錢米絮衣請於父曰大

人念某某乎請以遺之母歿執喪哀甚又恐傷父心中夜飲泣淚漬枕席及父歿既殯仍朝夕往來墓所縣志

童炯合肥人例授從九品父溺水炯奔救父得生而炯

竟溺死一時哀之乾隆六十年 旌縣志

沈維新合肥人幼習儒業年十二喪父棄書貿易以養

母甘旨無缺孝友性成壯老彌摯宗族朋友賣產者贖

而還之無力婚嫁者助而治之鄉黨稱其孝義得 旌

采訪冊

周朝玉合肥人農家子也家貧事繼母李氏至孝李日

警朝玉耕種之餘扶持舉動甚適母志母忘其警焉母

常向戚鄰言曰吾一日不可無此兒無此兒吾何賴以

續修廬州府志 卷五十 孝友傳一 三

生里人皆深然之母壽至七十一而卒采訪冊

李昉楸字靈再合肥人孚青長子幼聰慧性至孝母王

安人病衣帶不解者百日母故廬墓三年未嘗笑語葷

酒不入口已丑成進士以母不及見為恨父病湯藥親

嘗病篤嘗糞知不能起憂戚之色時形於外及歿哀痛

真切邑人無不稱其孝縣志

汪通志毓真合肥人庠生比長事父灼母范氏以孝聞

母病衣不解帶者百日既葬即思廬墓以父老止輒暗

中泣父患痰症顛天求代父歿結廬墓側屏絕葷酒者

三年道光元年以孝行得 旌采訪冊

方寬合肥人道光二年以孝行 旌又有同里劉邦星

道光六年以孝

旌

采訪册

孫天德合肥人庠生性迂質事母徐以孝聞道光間母

卒廬於墓所三年後歸

采訪册

李起高合肥人性至孝家貧無妻子訓蒙為業有得輒

奉母母氏張苦節嘗卧病親侍湯藥凡衣物及溺器必

躬自浣濯至老不衰母壽踰八旬人以為孝養所致云

采訪册

杜向榮合肥人少孤事母孝母歿廬於墓側三年始歸

采訪册

王蓮生合肥人年十九父恩培以罪繫獄徒跣數百里

謀以身代不果越二年父歿柩還蓮生哭泣不食三日

續修廬州府志

卷五十

孝友傳一

三

卒

采訪册

查春泉字幹甫合肥人從九少孤貧母左氏以鍼術度

日冬無衣春泉負臂令溫夏恐蚊啣母手不驅蚊母病

必先嘗藥病篤刲股後卒於墓所子鍾楷太學生癸丑

城陷殉難

采訪册

褚殿雲字文翠合肥人性純孝母汪氏病劇醫藥罔效

雲焚香泣禱刲股以進病旋愈後事繼母江氏與生母

同兩兄先雲卒喪葬悉厚五姪繼亡遺姪孫孫女婚嫁

如已出

采訪册

葉魁玉合肥人業農生有至性稍長父歿母李氏素患

痰疾終夜咳喘魁玉衣不解帶常累月刺血刲股甚則

跪母前吸其痰母後又增患心氣勢危殆魁玉情愈迫
顛天叩首願減壽以益母誠求既久母病稍蘇一日夢
有使者至牽驄馬促之行抵一公署上坐者曰爾誠孝
增汝母紀並賜藥瘳汝母疾比醒病霍然母年至七十
二而歿初魁玉年二十未娶適道光十一年大水無爲
有朱姓攜一子一媳至其家冬雪斷炊願以其媳賣爲
婦易錢自活魁玉不可朱賣媳他姓魁玉聞之惻然請
於母爲之毀券貸粟並助資完聚資之歸里人欽其義

采訪
冊

王運咸字受虛合肥人貢生篤於友愛兄歿姪與媳繼
逝嫂沈氏老而且病咸事之盡禮撫從孫二皆成立雖

續修廬州府志

卷五十

孝友傳一

三

析居不異同室弟早卒猶子世煒教之入泮割已業以
贍之歲甲戌大旱鄰有售屋者與之價值而還其券周
天爵守廬雅重之訂爲莫逆交年八十舉鄉飲賓妻孫
氏亦賢淑親戚貧乏者喜爲周給以成其志

采訪
冊

黃學懋號菊村合肥人庠生少從父讀書事親處友以
端謹聞先時懋父鳳梧與同學洪芟塘善嘉慶間洪知
四川蓬州鳳梧入其幕年餘歿於官廨懋聞訃哀毀骨
立家貧歲歉不能與喪歸憂思成疾服闋補諸生卽率
胞弟金臺同往扶襯水陸道里約五六千之遙兼川資
簡薄沿途乞僱力人辛苦備嘗卒歸葬葬父後教授於
壽春下塘鎮裴氏家垂四十年顏其書屋曰味經從遊

日眾知名士出其門至今轉相授受子若孫恪守經學
兵燹時猶訓蒙鄉間為人講解不倦懋年七十三以壽
終鄉中有兄弟較錙銖者人舉懋友愛事以愧之采訪冊

王道字鄉評合肥人監生少讀書立心以德為本父病
五載侍奉湯藥衣不解帶及愈跬步弗忍離母目失明
朝夕進膳常在側親卒春秋祭祀哀痛迫切數十年如

一日歲豐三年卒年六十二采訪冊

李式昀字懋亭合肥人附監生孝友力學父廷輝歿於
桐鄉任昀扶襯千里徒跣以歸猶子庚生令浙川歲終
奉以衣絹昀遺書卻之曰吾家世儒素汝居官當仰承
祖志清廉自矢不可上隕家聲其居鄉純謹門庭肅穆

續修廬州府志 卷五十

孝友傳一

三

子芝生儒士善誘後進工書仿梁嘯法坤生太學生精

岐黃濟人甚眾采訪冊

許樹型字潔菴合肥人監生父襲莊病奉侍湯藥目不
交睫者三閱月溺器必親滌為嘗其糞父歿哀毀骨立
無伯仲事堂兄樹穀委曲盡禮不敢違命襲莊歿後申
分其產親友困乏周之有終身不知者采訪冊

王秉卿字婉亭合肥人監生父立宴應京兆試歿於京
邸秉卿甫六齡哀痛如成人繼祖母苦節事之曲盡孝
道獨建坊表以成先志鄉鄰有爭鬪者一經排解帖然
感服生平廉正自持有王彥方之稱采訪冊

范楠字樹山合肥人監生性孝友居家儉樸諸兄歿撫

兒子皆成立生平喜推解族人賴之者甚眾孫曾繞膝訓以義方多遊庠序以孫邦政貴封奉直大夫九十一歲無疾而終

采訪冊

孟春沂合肥人監生侍父病十五年不懈父喪哀毀後因弟春熙病賊至不去同遇害春熙婦李氏亦被殺

縣志

范儲吉合肥人郡庠生咸豐間賊陷城以尋母遇害奉旨祀忠義孝弟祠同時有從九蔡熊林以母管氏年邁不忍去

同遇害胡永隆與賊抵禦母乘間得脫乃罵賊自刎死

縣志

王琳金士金法合肥人均以救父擊賊被害又有文生

孟兆辰以賊至護母被害黃承澤以侍兄病不去城陷

續修廬州府志

卷五十

孝友傳一

十四

死

縣志

魏振趾合肥人附生親歿廬墓嘗出穀賑饑又有王道

清者廬父母墓各三年同治四年

旌

縣志

杜東儀合肥人母病渴刺臂血飲之立愈同邑吳解原

父病痰不能吐以口吸之得出

縣志

孫佐標合肥人幼隨父寓桐城父歿力役乞食養母母

歿依墓寢處者數年

桐城縣志

黃文衡增貢生合肥人事親克孝母病五年竭力侍奉

居喪三年不入內室事兄大鶴恭而有禮每晨必詣兄

所問安析產時兄弟交讓屢舉優行乾隆丁亥舉鄉飲

大賓

采訪冊

吳道坦合肥人事親至孝咸豐戊午賊陷郡分股蹂鄉里屠殺甚慘其祖母年九十餘病不能徙道坦方出市藥聞警急奔歸視其祖母已見殺賊猶在室憤奪賊刀斫之斃遂爲他賊害子本謙以殺賊功擢遊擊采訪冊

葉春榮合肥人性友愛家貧爲酒家傭積資數年爲兄弟畢婚已終不娶族鄰有窮乏者助之不責償卒年四十八采訪冊

葉仁占合肥人年二十七妻故無子誓不再娶耕織爲業歲以餘錢佐弟姪之不足者鄉鄰有急輒往解之咸豐八年賊至縛置烈日中磔死以弟子嗣采訪冊

王漢昭合肥人文童父早世課徒養母愛敬不衰母年續修廬州府志卷五十一 孝友傳一 五

邁爲滌溺器二十餘年衣偶汚必避母濯之不使知也侍疾衣不解帶湯藥親嘗孺慕之心老彌篤母年九十五歲卒昭年亦七十有五寢苦枕塊朝夕哀思閭里稱之采訪冊

段芝岑字立華合肥人年二十五割股以愈母病咸豐六年歲大旱里黨有乞糶者減價以售之采訪冊

段桂榮字廷幹合肥人性至孝甫五歲父歿悲號不已年十九母病割股進之愈里人稱之采訪冊

徐崇德合肥人家世業農性至孝父病割股煎湯以進病旋愈未幾父又病崇德復割股竟不能救後暑日人見其股有創痕問之泣而弗言采訪冊

聶安國合肥人性友愛以岐黃行世移居方山下將所分產業讓於兄弟采訪册

袁崇仁合肥人母久病服藥罔效割股和藥奉母服之

愈采訪册

范正常合肥人家徒壁立事母孝無妻子為人傭工得美食歸必奉母母病衣不解帶歲餘如一日母歿以毀

成疾尋卒采訪册

孟日烜字詠仙合肥人優廩生敦行篤孝平日奉親寢食跣步不離親病割股嘗糞光緒五年卒采訪册

徐崇傳合肥人夙盡孝道父道立病危兩次割股嘗糞及父歿哭泣盡哀采訪册

續修廬州府志

卷五十

孝友傳一

三

張鳴鳳合肥人性謹厚家貧母歿力不能營塋棺停於家傭工鄰里夜必歸宿棺側三年無間積資遂塋焉采訪册

袁道均合肥人年十六母病割股和藥奉之母病遂愈采訪册

王俊義合肥人其父於咸豐七年春罵賊被戕義幼弱母李氏教之以成人嘗兩次割股救母病同治十二年冬母又大病祈死以求復割股救之得無患郡守李炳

壽深嘉其孝采訪册

胡蔭合肥人親疾割股江南通志張守芳性孝父病割股和

藥以進縣志范均字穀平附貢生母病割股和藥以進遂

愈范彥淮母病割股和藥以進病愈高貴母病垂危貴
割股和藥母病立愈采訪册

沈尊三合肥人附生年十二割股救母母病以愈後為
諸生得旌又有監生沈汝濟者年十五母病劇顛天

割股和湯藥以進母病旋痊邑人以雅篤天倫額贈之
采訪册

沈邦珽沈邦連合肥人俱府學廩生同敦孝友親疾亟
爭割股以進親病立愈事聞旌表居恆怡怡歿亦合

葬采訪册

許世霖合肥人以農為業四歲而孤為人恂謹事母極
孝每歸必懷餅餌以奉母數十年如一日母病百計禱

續修廬州府志 卷五十 孝友傳一 七

求寢食俱廢卒後廬墓三年采訪册

李淨亭合肥人道光壬午科副貢生性廉潔童年失怙
事母純孝妻汪氏奉養稍懈嚴責之以勉盡孝采訪册

劉茂椿合肥人監生為人正而和持家有法五世同居
妻歿不再娶與堂弟榮椿同居二十餘年子若孫視寒

問煖無間晨昏茂年七十六歲鄉人未嘗有間言孫鴻
漸丙子武舉采訪册

戴天培字青衢合肥人廩貢生性篤孝四歲父病痢不
食培亦不食母病危藥不下咽躬自度藥夜則籲天請

代父母相繼歿居喪哀毀成疾絕意仕進尤嚴取與家
資嘗推讓其兄已惟取其下者又厚撫其兄之子若孫

戴鸞坡字東園合肥人恩貢生性至孝能先意承志父病親嘗其糞衣不解帶者數月及歿痛欲死其大父強之食始日進粥一盂至小祥淚仍沾席采訪冊

婁日鬻字宇學合肥人早年失怙事孀母以孝聞敦本睦族謹言慎行郡守趙重其品學顏其堂曰大隱采訪冊

王信合肥人父錦華病篤齋戒祈禱願減已壽十年以增父算越日夢神告曰鑒汝之誠益汝父壽汝壽固不減也父病尋愈後十年乃卒采訪冊

王元登字嘯門合肥人廩貢生商河令哀季子三歲而孤謹奉母教終身不離鑄父遺文行世兄元齡歿遺三

續修廬州府志

卷五十

孝友傳一

三

子一壻亦早孤登皆善撫之有孀姊前母所出也無子

來歸為立嗣請

旌縣志

張惟通志作維

字載謀合肥人性至孝父病刲股顛天獲愈

及歿奉母益篤母卒後年屆七旬每時祭必號泣敦友于重然諾族黨貧乏者分產賜卹之教子義方能尊師

重道督學葉旌以額曰孝友可風

采訪冊

周朝龍合肥人諸生與兄朝鼎友愛無間先世遺產二千金盡以讓鼎鼎不受龍曰兄有五子食指繁多不能

贍給我授徒足資生無需此也後鼎家貧龍仍以館穀

資之生平口不言人過羣稱為長者

采訪冊

董懷峯字觀宸合肥人歲貢充景山教習候選知縣性

孝友胞弟懷嚬目瞽峯赴京時將已產盡與弟以資衣食及歸家同居十餘載飲食坐卧不離弟卒喪葬如禮善屬文工書法

采訪册

李雲合肥人庠生幼失怙母病奉侍誠謹汗穢皆手自洗濯目不交睫者二載未幾母復病雲背負出入七年無怠娶李氏善事其姑氏卒雲德之終身不再娶

采訪册

龔湘字南亭合肥人庠生父曾聰性狷介湘善承父志莊敬自持不苟言笑母歿事庶母盡禮居喪三年足不出戶生平著作詩古文詞甚多

采訪册

張純字正侯一字誠齋合肥人九歲能文十三應府試郡守申瑤摘尚書毛詩左氏爾雅三禮使閣誦異之時

續修廬州府志

卷五十

孝友傳一

无

早甚米蔬不易致純率弟舂米又舂水灌園蔬躬採擷以供親膳攻苦益甚夜攜卧具置座側讀倦則衣被覆几假寐覺復讀侵曉棄卷執役爲制藝燃短香爲率香盡成一藝年十九補縣學附生從梁鳳詔受業鳳詔覽其文賦激賞之鳳詔官京師屢書相招純以親老歎曰吾爲句讀師供菽水足以盡親歡安能羈游數千里遠違朝夕之養因謝曰某志與歐陽詹異也純父足患瘡日捧水執巾親爲盥沐而操藥以族偶以事出歸稍晚其父杖足以待因是不出者數月後值豐稔家稍裕每分其餘賑人張氏未建宗祠純父欲建之力不逮又家譜久失修純積數百金先後成之五應鄉試屢被薦咸

豐元年舉孝廉方正時純方卧病未及應試卒同邑先
達李文安與純爲中表時官刑部馳文以祭有鄉邑失
賢斯時後生小子誰與長養姻婭失賢異日東阡北陌
誰與往來其推重如此方純存時粵匪尙未萌芽獨命
次子紹棠廢書習技擊以濟世用子三長紹堪監生戊
午殉難給雲騎尉另有傳純以紹棠貴贈振威將軍采
冊

李椿字鳳益合肥人天性純孝慮事周詳早失恃事父
愉婉溫清循禮佐父兄經理家政教子弟以禮法以勞
邁疾早卒方病革時以老父在堂不克終養爲深憾屬
其子殿華勤侍養又云先母王太夫人柩殯東北之隴

續修廬州府志

卷五十

孝友傳一

三

恐日久損壞爾當成吾志速殯葬勿拘忌陰陽子如其

言就近卜葬今爲佳城

采訪冊
李氏家乘

故殿華亦克以摯孝

裕後殿華字慶庵武庠生兩應鄉舉不第遂絕意進取
課子孫耕讀足不入城市五十年事親孝寢食皆躬承
侍父病率妻周氏奉湯藥禱以身代衣不解帶者三月
父歿後痛不欲生絕水漿五日母諭止之姊妹三人皆
適貧家殿華恐母憂過無食用時潛助之久而不衰至
數十年居母喪哀動鄰里遇親忌日泣祭不食已生辰
不受慶與兄贖廷友愛以家口眾析居推多受寡分爨
周歲戚友始知兄歿訓諸姪成立中年妻故不復娶亦
不置姬侍諸子爲母得葬地殿華曰吾不忍吾妻有地

而吾兄無地也以正穴葬兄治家勤儉平生無疾言遽色案置小學孝經及七經通鑑暇卽熟讀時以往古篤倫懿行勸勉家人子孫詩文令按期呈閱男耕婦織督課勿懈終身不服紵綺一布袍三十餘年弗易處里鄙以仁讓有占其田產者不與校負欠者焚券勿索賑水旱恤孤寡無吝財一鄉稱善士道光戊戌子文安成進士官刑曹欲乞歸養殿華弗許諭之曰汝果仁明治獄盡心職事爲忠臣卽爲孝子勿以我老爲念甲辰孫鴻章膺鄉薦猶親見之年八十二卒於家始以次子文安官封刑部主事歷贈中憲大夫後以諸孫貴顯累贈光祿朝議大夫如其官子文安別有傳

通志采訪冊

續修廬州府志

卷五十

孝友傳一

三

李文煜字晴嵐殿華長子庠生端方孝友學有本源家貧授徒因材教育成就者甚多性尤懇摯鄉里急難靡不竭力賙恤子承祖字少嵐庠生篤孝悌勤問學寇擾郡時從兄鴻章在籍治鄉兵多資贊畫後淮軍赴勦江浙因母老獨畱同治二年寇再犯廬復舉鄉練築圍寨邑有巨族挾舊讎圖報者幾釀事端請郡守禁格之事以解丁卯秋試卒於江甯喪歸時會葬者多泣下

采訪冊

李遵謨號奉揚五世同堂敏典之第四子讀書嗜古學問淹通而不好干祿之文以是試輒不利事父母以篤孝聞遠邇稱之遵謨恆不自足也父卒廬於墓側獨居三年墓旁一畦麥秀兩歧事聞邑侯名達大吏所居廬

側植柳一株會久雨鵲夜噪其巔聲甚急遵謨出視之
廬忽傾得免覆壓人尤異焉道光四年大吏以其事上
聞蒙

恩賜六品頂戴崇祀忠義孝弟祠給資建坊所著詩文集十餘

卷佚於兵燹

通志
采訪册

李堂中合肥人咸豐三年其母殷氏

一作季氏

卒葬畢堂中

廬居墓側至三年服闋里人迎之歸終身不茹葷飲酒
里人感之同治年間大吏入奏奉

旨旌表已建專坊崇祀孝子祠

采訪册

宋其貴合肥人文童性純孝躬承親志不離左右道光

十七年其母孫氏卒廬墓側朝夕侍如生前號泣之聲

續修廬州府志

卷五十

孝友傳一

三

感傷行旅二十六年奉

旨旌表建坊

采訪册

胡學幹合肥人文童生有至性咸豐三年賊犯郡城居
民避徙學幹以父病獨留賊脅其父學幹哀號乞代白
及交下至死手擁父頸牢不可解父竟以得免崇祀昭
忠祠又有文童楊宗義咸豐八年賊至宗義因侍母病
不去母死自縊

采訪册

張蔭穀字藍畦合肥人郡庠生先世自南鄉遷肥西生
而敦敏績學勵行沈潛經史通大義尤究心於經世濟
時之務父傑嘗足患螺疔根不得出痛甚醫告術蔭穀
急以口吮之出其毒數日竟愈歲歉蔭穀分所食之半

日給隣里族戚之餓者以爲常道光丙午壽州盜匪秦
有道耿四調等結黨擾肥西居人散走蔭穀夜聞警馳
呼於眾曰匪徒烏合不速堵必遭蹂躪矣里人從之者
至千人時方嚴寒奔走風雪中聯絡團防失足陷雪窖
鬚髮皆凍卒以義勇擊盜於官亭時已黎明盜出不意
少卻旋謁郡守請兵誅其魁眾咸服咸豐三年粵逆擾
廬州蔭穀罄家中積糧數百石先捐爲隣里倡費旣集
又以間芟除土匪未幾賊大股竄西鄉土匪繼之蔭穀
家旣破乃飭其子樹聲樹珊樹屏往從戎以樹懷樹棠
從已耕讀八年秋城再陷蔭穀集鄉中曉事者告以懲
前毖後之義遂集丁壯築堡浚濠親爲相度堡成始可

續修廬州府志

卷五十

孝友傳一

三

守依之者近萬戶賊來則堵去則耕西鄉得少安旣大
吏乖調度土匪又熾咸豐十年三月蔭穀以禦賊積勞
成疾卒得卹後以子樹聲貴贈太子少保兩廣總督如
其官樹聲樹珊自有傳

采訪
册

張清才合肥人同治二年避亂至施口賊追逼負繼母
過河復回負幼弟中流力竭溺死

采訪
册

李洪謨字騰霄合肥人生而穎異事父鏡典母劉氏繼
母吳氏先意承志疊遭親疾侍藥罔懈居喪盡禮與弟
濬謨同爨食指日繁恥言分析道光戊子重建宗祠續
修家譜增置祭田歲饑出粟周恤鄉隣里西有捍湖陂
古名白公池潞水可二千餘畝里南有潺塘潞水可百

餘畝爲眾姓田產水源年久多圯爲捐貲修整并造塘册規例甚詳人賴其利卒年七十一平生義舉甚多以孫正佩正榮貴贈振威將軍榮祿大夫子執中字舜徽監生幼積學從遊者多顯外甥李氏昆季尤貴達修葺家譜樂善好施父病禱天請代衣不解帶咸豐初大府檄辦團練鄉人賴以保全卒年四十九以子正榮貴贈榮祿大夫

慎詒堂
先世錄

范正素字無求合肥人邑增生天性敦篤事親克孝兄弟七人飲食必偕工舉業屢薦不售退隱朝霞山詩酒娛情授徒講學自給從游多知名士年七十餘無疾而

終

縣志

續修廬州府志

卷五十

孝友傳一

三

范兆齡字有章合肥人監生性至孝事親先意承志年五十餘每值父怒輒跪請責父卧病多年齡弟八人日夜侍奉無片刻疏懈衣不解帶藥必親嘗及父卒喪葬

盡禮

采訪册

周沛霖字樹溪合肥人性孝友慷慨好義父爲邑諸生因鄰命案牽累繫獄沛霖年八齡投監乞代邑令嘉其孝兩釋之少擅才名以文賦冠童子軍十九歲舉於鄉兩赴禮闈未第適丁外艱無志進取閉門奉母著述終身母病封股和藥以進旋愈母歿哀毀盡禮粵逆陷皖廬境土匪起西鄉尤甚沛霖倡辦團練築堡守禦一鄉恃之其弟子原任兩廣總督張樹聲亦同辦團練遭族

匪尋仇焚其室舉家二十餘口無所歸沛霖讓堡中旁宅俾居之增勇防護得無恙年四十卒於家著有友助里合約公記一篇計二千餘言及菑園文稿油裏生涯詩集以子世臣官贈通奉大夫錫金官贈武顯將軍采訪冊

胡訓標合肥人因賊沿村擄掠挈一子一姪逃之河沿子姪俱幼先後肩負賊追及訓標思亡兄止一子不可棄乃舍子而負姪往先渡河得脫賊擄其子不肯行遂被殺采訪冊

劉銘德字存厚合肥人生有至性父早喪哀毀骨立如成人母祝氏病篤醫藥罔效剖股肉烹以進母遂愈居

續修廬州府志

卷五十

孝友傳一

三

恆好施與隣人汪某貸錢百緡數歲不能償銘德合他券盡焚之粵賊所在焚掠獨未入其家子四皆有名績可紀采訪冊

劉盛琛字子獻合肥人銘德次子幼讀書敦孝行咸豐六年大饑賊所至竄擾斗米至千錢琛年十五貿易數十里外晨出暮歸腹飢不忍食以所得餘贏購米半合以奉父母九年父染疾卧牀數月垢溺沾衾皆親滌洗父歿長兄及弟皆從軍勦賊琛奉母家居竭力躬耕供膳偶有過輒跪請杖居家節儉好濟人有定遠避亂民欲賣婦女餬口者盛琛多方貲助事乃寢後數年有衛某以家貧親老欲售婦已成議盛琛輦錢百緡歸其家

力止之十年母病篤醫藥罔效盛琛向天跪祝願以身代剗股和藥病愈光緒三年母病復發常在牀褥盛琛躬負以上下衣不解帶目不交睫者數月及母卒立本主晨夕問安如生時凡母生前所好物朔望必設奠哭至音啞以胞弟盛瑞貴封建威將軍采訪册

戴鴻慶合肥人道光乙酉科舉人壬辰恩科會試挑取膾錄性最孝義奉其父大禮久而彌篤年五十卽不應試家居侍養不肯偶離鄉里稱其孝道光九年郡有水災董理賑務太守劉養雲賴之給善與人同額以獎十三年監修東門外文昌閣後又督修學宮卒年七十一采訪册

續修廬州府志

卷五十

孝友傳一

美

王應泰合肥人父病剗股救父竟獲痊愈咸豐八年髮逆犯境應泰自經死年六十四歲又有文生王其朝嘗剗股療父疾采訪册

張振祺廬江人父宏任知四川嘉定州母朱氏偕弟及妻子俱隨任祺因試事歸里蜀中道梗音問俱絕順治十一年祺毅然辭耶隴就道曰不見吾親誓不返止攜一僕藉醫卜以資行李聞關至保甯主僕復相失子然孤蹤訪知父與兄俱死節但未知母弟妻子安在遇川省布政使某江南人相見與語以實告某甚憫之薦於撫軍李國英委署梓潼令事平道通卽辭官尋母由嘉定至峨眉見開墾籍中有宦籍張振祥名乃其弟也母

弟妻子依然復聚甲辰冬同歸故里朱氏壽八十始卒
康熙志

許希湯廬江人有智力崇禎壬午兄希海為賊所獲索金甚急希湯聞之泣謂弟希渭希澤曰兄書生也為賊獲必不免吾當往救之遂自詣賊營請就執希海得釋約三日攜金來贖然無所得金屆期希海不能至賊方欲殺希湯希湯出不意手揮數賊仆地而去賊追之不及
縣志

高克謹字式毅廬江人年十三父為寇獲謹乞身代寇兩釋之長而好義鬻產賑饑置田贍族還人遺金代鬻妻者償債同邑李之幹字綰公其行義畧同
江南通志

續修廬州府志

卷五十

孝友傳一

七

任奕鑑廬江人事母篤孝邑紳矜暨里族合祠公舉孝子學使者俾入庠序以風士庶
康熙志

許士浩廬江人邑諸生年十二刺血以療父目鄉里稱之
縣志

黃河清一名相膺廬江人歲貢年十歲母梅氏病篤號泣籲天割股救療
縣志

李逢麟字新宇廬江人母病篤籲天願以身代勿藥而瘳鄰有許氏者為盜所誣擬大辟逢麟力救之卒獲昭雪又捐田市屋每歲儲積以贍族人
縣志

楊文燭廬江人康熙時割股療母目疾罔效剖腹取肝療之母目復明
縣志

許鍾彥字聖林廬江人母談氏病夜臥鄰火發延燒及屋鍾彥負母而出年甫十三稍長割股療母疾縣志

馬尚義廬江人本姓朱昆弟三人尚義為季母馬氏寡

居外家母歿奉遺命為舅氏後因蒙馬姓嘗割股和藥

以療父疾壬午流寇肆虐尚義奉父母出遇賊將其

父奮身願代賊感而釋之後朱氏兩兄俱無嗣尚義以

長子振宗承馬祀次子朱黥繼朱嗣邑令旌其門曰異

孝獨摯縣志

任弼堯縣志作必堯字海宇廬江人壬午寇變弼堯同妻李

氏奉母尹避黃陂湖中遇賊欲及其母李氏力挽姑臂

弼堯挺身翼蔽之左脇連中七槩創血淋漓湖水為赤

續修廬州府志 卷五十 孝友傳一 美

賴弟弼俊救之得不死母亦卒脫於難通志

宋志靈字子睿廬江人恩貢生部牒當就選以繼母病

不仕母歿廬墓三年悲哀感行路先世腴田悉讓伯兄

修譜牒置義田寒士有志者招之家塾與諸子同學以

子衡貴贈通議大夫祀鄉賢縣志

李善廬江人鄉民幼孤事繼母丁氏五六歲時即知孝

養家無僭石每樵蘇易米以供母膳母病癱目不交睫

衣不解帶者累月割股作羹以啖母及歿哀毀骨立人

稱純孝縣志按通志引江南通志明時又一李善廬州人事實與此略同

盧雲英字夏子廬江人謙曾孫六合教諭士厚嗣子以

太學生授州同善事嗣父母不啻所生後因兄故姪幼

迎生母劉氏至家養生送死獨任之勤必以禮重刻五經圖考並葺薛瑄教言以示來學癸酉甲午大祲俱捐穀助賑好施為德子孫猶守其家法云

縣志

李塏字康伯廬江人太學生性友愛與從兄墳同居無間言兄歿姪抱沈疴撫姪孫成立後析產田廬器物悉其所取里黨以婚喪不給告者解囊贈之宅居松山灣環數里值歲歉卽聽人剪伐樹木以資舉火易簣時檢積券若干屬其子勿索人稱長者

縣志

夏裔廣字椒凝廬江人父為岳州郡丞卒於官裔廣扶櫬歸哀毀骨立岳人咸嗟歎之奉繼母克盡子道撫異母弟教之成立先是族人有貧不能葬者裔廣資以營

續修廬州府志

卷五十

孝友傳一

三

葬及家貧猶省己以周給之居恆杜門講學行矩言方鄉里皆欽其品

縣志

吳崇誥字紹伊廬江人由太學生官布政司經歷少孤孝事孀母創議建潛川書院捐田以資膏火修葺城垣文廟皆有助焉

采訪冊

李旦雲字曙滄廬江增貢生事親竭情盡禮母歿時四弟俱幼飲食教誨皆承父志父歿仍同居數十年修宗譜置祭田又施義地以葬孤貧創建萬壽庵捐田施茶生平雅嗜讀書七旬外猶手不釋卷云

采訪冊

姚錫綸字虞賡廬江人父以孤子勢微族人多欺凌之綸支持調護父乃獲安母病垂危禱以身代割股進藥

病旋起

宋訪冊

夏球號桂軒廬江人從九幼失恃事繼母至孝母善病湯藥必親嘗及疾篤衣不解帶者數月性多耿介每逢水旱族戚有艱窘者必出金給之

宋訪冊

盧辰告字祇襄號鍾山廬江人附貢生明巡按謙元孫也幼穎異稍長擅文名貢太學以親老謀祿養官漢陽通判屢欲迎養因文闈差未果夜夢父執手歛歔覺而大慟越十日訃果至袒括悲號跣行就道慘動路人自是絕意仕進性恭謹樂善好施捐置育嬰堂義田邑尊經閣燬於壬午兵燹數十年來科第如晨星知縣陳慶門欲建復之咨於辰告辰告慨然獨任其費興工數月

續修廬州府志

卷五十一

孝友傳一

四

而卒子元寬等承先志鬻產數千金以竣其事

宋訪冊

吳凌雲廬江人事母至孝侍疾六年廬墓三年乾隆中

卒

縣志

胡錡字南濱廬江歲貢性孝友侍父母疾衣不解帶者數月及卒廬墓葬祭皆秉家禮兄弟四人同居數十年無間後析產推腴取瘠授涇縣訓導勤於課士常分俸以給族鄰立義塾設義冢卒於任涇人立石誌德以子觀瀾貴贈朝議大夫嘉慶二十二年奉

旨祀鄉賢

嘉慶志

鍾含章廬江人早失怙恃欲追親之形貌不可得歲時祭埽哀痛悽愴數十年如一日繪風木圖訓導玉灝楊

迴題識之甯楷爲之傳以其事類同鄉孝子吳凌雲省溪也

采訪
冊

曹殿梁字東林廬江人監生父養吾母萬氏殿梁性至孝八歲讀書村塾一日其母偶患心痛病殿梁在塾告師曰頃忽心痛恐親有疾馳歸省視果母病也人大奇之年十四父病垂危割股肉雜他藥進父病遂愈閱數歲父始見其左股多傷疤也父患痰疾爲吮痰道光十七年父歿葬大圓山屬諸弟曰家有恆產足可支善事老母已乃獨搆草廬守墓側以盡餘哀山深邃數里無人烟常大雪連飢餓數日守墓歷三年朝夕上食如生存歲時令節必哭盡哀間一歸省母卽旋廬次旣服滿

續修廬州府志

卷五十

孝友傳一

聖

邑令學官親詣其廬勸之歸乃還故宅養老母母病需螺和藥嚴寒無所得殿梁禱天竟夜忽於池邊得一螺擣和以進疾果愈咸豐初年母卒結棚守喪旣葬復廬墓值粵賊竄至居民遷避殿梁獨畱不去賊至疑墓有窖金勢將掘之則搶地號哭身護墓上血淚俱下賊感歎舍之去先是殿梁從父渡江父爲眾所擠墜水呼救莫應乃自躍巨浸救父人以為必死忽抱父浮水面浪送之近岸竟父子無患人尤異焉殿梁歿於咸豐十一年正月年七十六猶子德慶官提督光緒初年以巡撫裕祿奏奉

旨給銀建坊旌表祀忠孝祠

采訪
冊

侑生李振莊理問丁茂組俱廬江人並廬父母墓六年均蒙旌表采訪冊

錢世封廬江人家貧採薪養母年十五割股愈母疾卒年八十有四采訪冊

許習禮廬江人髮賊焚掠習禮同妻邢氏救護母柩均遇害縣志

金承矩號方樓廬江人咸豐間賊掠鄉村迫其父負米承矩哀請於賊願以身代賊許之以思歸被殺采訪冊

李寶田廬江人性孝友父歿廬墓三年咸豐十一年遇賊被殺七日後肌膚如生采訪冊

李成章廬江人年六十歲咸豐十一年賊至章守母柩續修廬州府志卷五十一 孝友傳一 聖

不去遂被殺采訪冊

夏世賢廬江人性孝友父善病咸豐十一年賊過境侍奉湯藥不敢遠離被賊殺死狀甚慘采訪冊

徐盛高廬江人三次割股療母病采訪冊

陳榮貴廬江人咸豐年間以孝子旌表采訪冊

劉世家字經畚廬江人太學生少誠篤知大義天性孝友出嗣爲胞叔大德後家貧事父母盡敬尤以善侍嗣父病著問閭里父病噎膈久不愈世家侍湯藥必躬親設法謀甘旨冀少進久之病日篤醫告術窮至日弋鳩爲羹將牛取乳以求進一七稱貸以供醫藥又質物以益之如是者累年自忘其窘大德卒罄所有治喪葬人

以爲難弟友家失怙時方九齡悉心撫教成立友愛終其身居恆勤苦治家整肅義利之界辨之必嚴至晚年家小裕可自給矣因宗祠歲久失修又燬於寇亂盡然以傷復承父志以二千金重建宗祠不以累族人續置祭田若干畝捐金五百有奇其仁孝誠敬至老不衰如此同治八年卒年七十有五以次子秉璋官巡撫封光

祿大夫

采訪冊

盧從易字聖傳號道源廬江人太學生天性純摯幼失怙奉母惟謹母歿盡哀盡禮每遇父母忌日奠醢時潸然出涕痛父以續學早逝同伯兄從履就傅讀恂恂退讓而習業能自強同堂兄弟幕遊者多以一身肩其家

續修廬州府志

卷五十

孝友傳一

聖

務並督課子姪無稍姑息伯父家事凋零時籌分潤養生送死與俱子職無殊城南御史第爲先人殉節之所從兄質與外姓從易以價贖回俾子孫世守堂姑母苦節無依迎養終老以子銓官贈奉政大夫

縣志

許道智號順庵廬江人幼失怙事母盡孝析產時以膏腴讓兄自甘瘠薄兄嫂卒爲理喪葬撫兩姪如己子邁疾不起臨終猶以不得終事母爲憾

縣志

項良字時三號鶴溪廬江人太學生性孝友慷慨樂施道光三年蛟水驟至負母獲免析產時因弟食指繁復讓田以濟其匱水荒施粥給衣歲暮周恤貧乏不令人知直言解紛鄉里咸服知縣華浩給正直是與額以獎

之縣志

張錫蕃廬江人太學生植品端方居家孝友同爨七十餘口上下雍穆無間言縣志

張則良廬江人庠生每遇歉年日負米養親自食藜藿母歿父衰病侍湯藥頃刻不離咸豐八年隨父避亂遇賊脅降哀懇以父在不忍離賊以刀擬之仍哀懇如初賊怒殺之縣志

張光翰廬江人至性過人幼喪母事父先意承志能得歡心父遭病危潛割股和藥以進遂愈父晚年衰病轉側牀褥凡飲食浣沐便溺光翰必躬執其役衣不解帶目不交睫者百餘日父歿哀禮兼盡縣志

續修廬州府志

卷五十

孝友傳一

四

丁炯字平世號朗菴廬江人郡庠生好讀書立品端方治家嚴肅與弟煥灼炳俱敦孝友兄弟怡怡至老無間邑人士咸推重之縣志

許紹業字宗賢廬江人增生性孝友父早逝家極貧教養兩弟俱有成課徒自給廉潔謹厚一介不苟有古君子風縣志

孫長森字亮工號竹鄰廬江人簡默厚重與人無所苟重內行兄弟五人既析居授徒得束脩不私入縣志

盧聯鑣字鳴騏號俊生廬江人咸豐紀元由增生徵舉孝廉方正幼喪母事父及繼母愛敬兼至父遠館撫異母弟飲食教誨友愛逾常與人和易遇有過失輒嚴詞

規正戶中設立義塾延師督課均賴維持族眾爲之感
服縣志

高書賢字蘭春廬江人父貞祥病刲股療之後母病復
刲股二次病皆愈又俞昌言年十四母病刲股和藥以
進數年父燮奎病亦然病皆得瘳後母復病朝夕祈禱
衣不解帶者數月母病亦愈縣志

朱大政舒城人岸生父龍庭死流賊之難大政尋尸爲
賊所執泣涕求免賊歎其孝得棺以葬通志

郭士英字右璋舒城人康熙己卯武舉五歲喪父哭泣
如成人母歿冒雪躬自築墳友愛前母兄及庶弟人無

間言江南通志

續修廬州府志

卷五十

孝友傳一

聖

許明時字吉生舒城人歲貢授建平訓導少孤事母孝

母歿廬墓不茹軍酒四年嫁族人女代兄償負江南通志

賈文彪字偉三舒城人貢生孝友性成撫教孤姪四人

不異己子有蕩產者更以己產給之相葬地山中遇虎

不啜人以爲孝感云雍正九年 旌表江南通志

王尚哲字近宣舒城人天性孝友父疾親嘗湯藥衣不

解帶居鄉周濟貧乏排難解紛年五十無子置一妾貧

家婦也詢其夫婦曰變後流離存亡未審尚哲俟之一

載其夫俟至厚貲遣還使爲夫婦如初後連舉二子縣志

任天眷舒城人邑庠生性孝友家貧力學仲兄天成宦

吳越天眷奉繼母承歡養志十數年課諸子各授一經

子昌世安世俱邑庠生

縣志

張維倫舒城人孝友過人居鄉純謹不慕榮利鄉里貧

乏者多濟之

縣志

潘世偉舒城人友愛從弟財物無所私人以為難

縣志

郭仲符舒城人父早歿辛勞操作生業漸裕兄貿易江

湖折閱歸仲符仍分所有與之曰我差幼能任事財產

易致也時重其義

縣志

任鳴珂字瑤圃舒城人監生曲體親心友愛庶弟操行

方正閭里畏敬之負才未展著有鴻泥詩集行世

縣志

祝雲龍字友夔舒城人康熙庚子歲貢倜儻有大志為

文雄渾雅健處兄弟間極盡友愛

縣志

續修廬州府志

卷五十

孝友傳一

異

賈邦材字詠斯舒城人庠生家故貧父教讀不事生產

邦材間織督耕甘旨無闕敦友誼篤宗支鄉里化之所

居鄰家罕有爭訟

縣志

胡汝璧字蒼石舒城人雖生於富貴而謹飭自持無少

豪放與兄世球弟世瓊敦睦宗族周恤親鄰能承先志

縣志

汪德成字用章舒城人父溥歿家業蕭然德成年十六

服賈養母能得其歡心教諸弟成立皆有恒產

縣志

陳鼎字象九舒城人庠生髫年失恃善事後母力學砥

行教子弟以讀書敦本為要自是科第蟬聯徵孝友之

報

縣志

許登雲字亦凌舒城人諸生性孝友八歲失恃事後母先意承志得其歡心母卒凌雲哀毀骨立治喪卜葬盡禮嘗募人墾田數百頃分給子弟甚均族有顛連者保護教誨務令成家尤好施與資貧乏晚益肆力墳典手鈔口誦寒暑不輟偶有得輒寓於詩壽八十一

縣志

東懋官字秀升舒城人事親孝母患痿躄無晷刻離左右兄弟分析田取瘠僕取羸器取朽敝後以兩弟貧更招與同居焉

縣志

靳三益舒城人太學生天性孝友與弟三友三傑怡怡一堂建宗祠置祭田以奉其先又好善樂施每歲暮捐稻百餘周恤鄉里貧乏者及歿後諸子仍遵行

縣志

續修廬州府志

卷五十

孝友傳一

七

張鼎字峙三舒城人增生天性敦篤事繼母至孝父病禱於神請以身代居喪盡禮人無間言巡撫給匾旌之

縣志

任天健字乾行舒城人武舉週歲失怙事母倍極色養好義睦族一遵母訓母稍不懌卽跪泣自責母爲感悅晨夕定省五十年如一日母卒哀毀盡禮至老述母訓猶潜然出涕鄉里以爲範

縣志

蔡春芳字傑公舒城人少孤貧無依事孀母侯氏以孝稱母病痿痺偕妻李氏日夜跪哺湯藥兩膝皆腫暑月蚊咬無完膚母起卧必負之冬月嚴寒呼飲食必熟以進數月不解帶以爲常生平多隱德子之蕙補邑增生

有父風工詩文書畫縣志

任天吉字吉我舒城人天性孝友家極貧事母陳氏竭力承歡嘗負米百里途次饑甚不炊食或訝之泣曰吾購以奉母敢自食耶卒忍饑歸後稍豐裕與弟簡將析產田廬器物皆取敝鈍荒瘠者與人無少長皆殫恩禮周恤貧乏一邑推為長者縣志

孔興道舒城人天性孝友渾厚樸實父有足疾經二十餘年興道親為吮膿嘗藥兄弟析產取其瘠者其弟有藐孤撫養教誨為之娶妻性尤嗜學日手一編妻郭氏亦敦孝行縣志

續修廬州府志 卷五十 孝友傳一 哭

孔時字合三舒城廩生家貧以筆耕父嗣英晚年患偏枯飲食起居皆賴扶持出課生徒入侍湯藥三年如一日嘗於途中拾遺金招失者還之其人分半以謝堅弗

受縣志

郭維倫舒城人事親孝與友信族兄弟無遠近悉待以誠性尤耿介輕財明大義督修宗譜誼聯一本鄉里咸推重之縣志

郭尚瑞字盛友舒城人天性孝友嫺睦宗族與弟尚瑣俱有聲黌序縣志

孔翼公舒城人樸實純厚孝友兼盡少習舉子業屢試未售晚年猶手一編垂釣桃溪同懷五人壽皆八十餘怡怡一堂自少至老雍然秩然縣志

郭維楚舒城人事母以孝聞處兄弟克盡友恭鄉黨稱之縣志

黃文蔚舒城人孝友靜退父早歿事孀母極色養家無儲蓄舌耕餬口治親喪必盡禮兄弟九人式好無尤居家衣食及冠婚諸大事文蔚擔荷居多太守徐以望族純修旌之縣志

胡克思字嗣祖舒城人世家子事繼母以孝聞工制藝試輒冠軍入郡庠以志在奉養不求仕進縣志

陳韜字姜友舒城人年二十舉於鄉例應銓選因養親不仕進重倫睦族善氣藹如然丰采嚴峻子弟後學望而敬之縣志

續修廬州府志

卷五十

孝友傳一

巽

任輔世字長民舒城人增生從弟有棄先業者給以值不取其產弟終不能守再予之價而以租贍其身終焉娶姜氏少邁疾姜父母欲爲買妾輔世持不可後生五子縣志

陳豹文舒城人岸生天性孝友見義必爲兄早逝豹文經理其遺產不爲私利撫姪成立縣志

高截字巨占舒城人登奇長孫家貧竭力以供親膳親歿截六十六歲哀泣如孺子壽至八十舉鄉飲賓仲弟峻字履厚性孝友言笑不苟戚族鄉里咸重之季弟嶺字仰瞻幼孤後由歲薦就職訓導以母老故終不仕邑建龍山書院嶺董其事不憚勞瘁三年而成兄弟三人

和好式符子弟能承其教

縣志

高華舒城人歲貢生署婺源訓導母病侍湯藥三年不懈及歿哀毀甚至父卒亦如之廬墓三年平居矜戚族修學宮皆踵父志不惜千金嘉慶九年旌表建坊

采訪

册

陳應鰲字岱瞻舒城人敦本睦族爲善於鄉從弟婦東氏守節捐貲代爲請旌又獨建宗祠捐田奉祀旁建家塾延名師俾族中子弟咸往就學每歲暮必出粟資助

親鄰

采訪册

吳應龍舒城人少孤善事孀母與弟應虎共爨至二十餘年庭無間言乾隆二十一年旱捐貲設粥以食飢民

續修廬州府志

卷五十

孝友傳一

五

邑令給額以獎舉鄉飲賓

采訪册

靳宏基字孚休舒城庠生六齡失怙母矢志相舟以基幼穉嗣伯子宏任基長與任愛若同胞邑令贈孝友引年匾額初任有田若干攜以入繼而基田本多後家益裕任卒子遵遺命析產爲六以四與基基不聽歸任原田而以已田均分之鄰里稱其義讓又爲母請旌創建宗祠廣置祭田晚年益嗜學設教於鄉從遊者多

采訪册

家產讓之授徒爲生

采訪册

張良弼舒城人親歿合葬廬墓三年二犬一猫隨之不去邑人欲以孝詳請旌堅辭不受

采訪册

鄧國玉舒城人少孤貧傭工以養母母有宿疾衣服穢器親爲洗滌母戒之則俟母睡而仍爲之數十年如一

日采訪册

高連舒城人候選州同事孀母尹氏色養備至遇拂意必長跪請命不諭之起不敢起每痛未能事父值歲祭擗踊呼號見者流涕訓弱弟璜成立遂以勤儉起家母歿哀禮兼盡請旌建坊采訪册

劉藻舒城人監生翺子純孝性成親歿後廬墓三年道光年間旌表建坊采訪册

靳學浩舒城人廩生性孝友丙辰歲大飢涪負米養親往返常百里以勞致疾父傲病涪力疾侍之冬夜漏三

續修廬州府志

卷五十

孝友傳一

五

下猶在側時頓蹙有不安狀父問之涪猶勉侍父命之退未安寢而歿采訪册

靳茂潛舒城人章炯次子侍父疾七十餘日朝夕不倦兄茂枝早卒無子以子學思爲之嗣學思亦孝母病刲股療之病遂愈采訪册

童前勲舒城人監生少孤事母孝奉兄教維謹敦宗睦族鄉里重之采訪册

李文行舒城人幼喪父母陳氏病劇服藥罔效文行爲之嘗糞母病旋愈采訪册

梅春奎舒城人監生父命與弟春魁析產不數年魁家中落奎復與合爨無異言采訪册

徐從能通志能作聞舒城人力農爲業父歿繼母卧病從能

親侍湯藥服勞不避污穢至九年采訪册

程國恆舒城人貢生母早喪遵父命孝事慈母慈母生

女六父歿後國恆嫁之貨裝皆豐備有貧乏者周恤尤

至居恆喜書爲善最樂四字每歲晚分所有賙親族待

以舉火者凡數十家年五十三歿妻李氏治家循其常

壽逾八十鄉里稱賢子孫多科第采訪册

段雲舒城人增生性至孝咸豐間年六十餘賊至負母

逃及歸亦負之卒得免雲體胖而短背負母偃僂不可

勝口呿氣喘蹒跚行市人笑之采訪册

談毓秀舒城人母病割股以進病旋愈采訪册

讀修廬州府志 卷五十 孝友傳一 五

龔棣華舒城人性誠孝父久病棣華侍湯藥數年無倦

容及病篤暗割股以進其創痕久而莫有知者父既歿

家人乃得見采訪册

董熙舒城人性純孝父病割股二次愈之采訪册

左啟山舒城人性誠孝同治九年十二月初十日其母

病篤啟山夜礪鋒刃割肝和藥進之病勢若失啟山亦

竟無恙後十年啟山病自分必死乃召家人出其血衣

創痕示之堅囑之曰令汝輩知有此事耳不足爲他人

道久而其事遂著聞采訪册

韓德文舒城人同治六年十月母病割股愈之采訪册

孫景賢舒城人幼貧苦事親極孝同治三年其父致和

病篤凡三月衣不解帶父逝事母益謹定省無缺母有疾賢卽侍奉不離求禱不辭勞瘁至光緒二年秋母卒賢呼搶幾絕泣無葬所時有淨梵寺僧與以黃家山隙地賢遷其父母俱葬就墳傍築草棚居之不離咫尺蓬頭垢面三年如一日光緒六年旌采訪冊

石鳴鳳舒城人庠生母病割股愈之其孫純源純津後皆死於賊合里以孝義稱之采訪冊

談錦方舒城人母病服藥罔效方割肉啖親刀痕猶在母病旋愈采訪冊

何建樸舒城人性篤孝居父母喪俱廬墓三年采訪冊

湯榮春舒城人文生事母至孝咸豐十年十二月賊竄

續修廬州府志 卷五十 孝友傳一 聖

舒榮春因母病不忍離被賊刺傷十數處幾斃仍親侍

湯藥不怠母尋卒榮春亦相繼死采訪冊

朱紱舒城人廩生家貧嗜學性至孝父病願以身代割股愈之又有曾寅者監生性純孝以耆年終采訪冊

程學達程學灼童道貫俱舒城人先後遇賊學達救父學灼救母道貫救兄均被害學灼子之度之良並死之采訪冊

談先聲舒城人恩貢生屢薦未售生平重義輕財其孝行尤見重鄉里采訪冊

胡崇範舒城人庠生課讀度日母年七十偕妻張氏服

侍無倦采訪冊

崔學優舒城人儒童幼喪母家貧事其祖母及父必求
甘旨温清無虧采訪册

褚禮模舒城人監生父歿喪葬盡禮母年耄耄模年已
六十定省毋缺母壽臻九十三采訪册

陸思贄舒城人潛心理學性純孝幼隨父外課每日必
歸省母弱冠入學旋食廩餼不妄言不苟取不濫交邑
人士傳誦之采訪册

王珩舒城人庠生盡孝於家篤行謹守鄉里重之采訪册

